

錢文敏公全集

鳴春小草卷之四

武進錢維城稼軒著

弟維屏 維喬編次

姪

鉞 伯坻

致純

校字

子中銑

中鈺

恭和

御製降旨廻鑿時取道徐州視河工詩以紀事元韻  
臣聞古有言治河如治民所貴順其性乃克俾乂安咨  
詢集衆思委任簡重臣要在務實效無取空談陳我  
皇勤民隱重舉東南

巡經歷沂汶濟周履清淮濱三江與兩浙 翠輦次第  
臻尤念河務重期使膏澤勻彭城其上游遙隄接歸仁

頻年苦漫溢雁戶多遭迤減水力以弱刷沙勢不均欲  
令達海口先在疏河身瀕河諸墟落以隄爲墻垣修防  
苟有方庶免遷徙頻

皇仁如父母軫彼赤子懃特戒紆行騶相度宜

躬親指畫授上策一靖築舍言河湖永底定可配禹績  
傳遙知

溫綸到額手歌黎元

恭和

御製聞河南得雨元韻

吳下春犁幾日霖又聞嵩洛報佳音分來甘澤均南北  
要識天心卽

聖心

恭和

御製曉發蘇州元韻

小駐青旗亞字城，輕橈又指浙西行。  
四圍碧樹環村舍，十里垂楊記驛程。  
遠岫似煙橫翠澹，長橋如帶卧波明。  
遙聞父老迎，鑾曲篆縷紛紛待綵旌。

恭和

御製題烟雨樓元韻

畫中樓閣鏡中舟，勝地天開待豫游。  
澗碧一灣疑駟水，修篁千个寫洋州。  
烟光染處隨濃淡，雲影飛來任去留。  
極目南湖好風景，忘機浩蕩有沙鷗。

恭和

御製至杭州行宮駐蹕元韻

曉入錢唐路初停  
畫鷁舟來游歌載  
奏時邁禮重修詎  
爲湖山勝惟殷富  
庶求風淳知徧德  
歲美自無愁行健  
符鴻造承

先溯燕謀含哺齊  
祝華吹律不須騶  
波影明於鏡花枝  
細似籌六橋三竺  
寺遙望玉鑿遊

恭和

御製題黃龍洞元韻

茲峯形蜿蜒嵌空  
作崑洞飛泉流淙  
淙倒瀉出其孔冽  
如素練挂皎若白  
銀湧高僧此卓錫  
趺坐石龕提五粒

松茸茸萬个竹蕪蕪水月本無色風幡亦非動因之悟  
真諦不離亦不攏陋彼餐霞人煉形求丹頰却望山下  
田青青始布種念茲婦子艱塵土日倥傯

恭和

御製詣聖因寺

皇祖神御殿行禮元韻

勝矣卷阿舊巍然玉几留式臨昭降格無逸念

貽謀繼

武

神孫德觀民 清蹕游重湖涵

聖澤不盡碧波流

恭和

御製題西湖十景疊舊作韻元韻

蘇隄春曉

細草緣隄綠意蘇人家隄外結茆廬  
澄泓曉色開明鏡  
箇是東南第一湖

柳浪聞鶯

十里垂楊萬縷金流鶯囀徧綠陰  
深恰如雨後天街潤  
斗酒雙柑聽上林

花巷觀魚

纖鱗行處如堪數細沫吹餘便作花  
蓮葉東西任來去  
此中真樂問南華

麴院風荷

玻璃面面綠波風  
桃杏紛紛亦自紅  
何事定須開齒苔  
烟光三十六陂同

雙峯插雲

濃雲如練遠垂垂  
橫幅吳裝畫卷披  
兩點青螺看不定  
半湖烟雨欲來時

雷峯夕照

羣山倒影都相似  
卓立茲峯獨擅名  
一簇浮圖絢金碧  
夕陽天半晚霞橫

三潭印月

澈澈當空鏡一輪  
應身隨處印全身  
試尋不動如如體



可向前三識妙因

平湖秋月

湖月如環水似油  
春波澹澹殺紋柔  
故應遠勝秋江上  
白玉盤隨碧玉流

南屏晚鐘

湖天一幅水精屏  
古寺疎鐘雲外聲  
遙想行宮清漏  
永聽來歷歷應敲更

斷橋殘雪

每愛溪橋雪霽餘  
三春佳興亦相如  
楊花一望多如絮  
遙見青旗擁玉輿

恭和

御製題林逋詩帖真跡用卷中蘇軾至和靖林處士後  
韻

詩人舊住孤山曲面面遙岑攢黛綠老鶴盤空迴入雲  
疎梅繞宅香浮玉蕭然棐几自詠詩一洗元輕與白俗  
清標已去不可追彈指千年等風燭詎知遺墨尙無恙  
尺縑可敵千金足豪端瘦硬欲通神不學肥皮更厚肉  
鑒賞曾傳玉局詩收藏未入歐陽錄

至尊清暇手自題元音天上非凡曲搗來湖上問遺嗣  
謾謾清風敲翠竹松陵兩地遙相望可配天隨薦杞菊

恭和

御製清澗寺觀魚登舊作韻元韻

古寺鐘聲動方塘雨霽餘涵虛交苜藻戲水出儵魚波  
面輕吹沫渾心碧浸裾生機齊泠泠真樂悟如如於  
詩堪紀維旗夢載書泳游皆

聖化濠濮詎殊歟

恭和

御製飛來峯歌元韻

環湖之外皆精藍獨有雲林最深窈玉鞭暇日遂清探  
愛此孤巒勢廻抱何年印度忽移來天人調御拈花笑  
空濛烟外隱黛眉彷彿雲中垂芝瑤是爲靄鷺之支峯  
詎有秘文可徵攷傳聞苾芴天眼識是耶非耶理誰曉  
卽心所在卽佛地何必寶山始爲寶若以色相強分別

乞食得飽豈真飽茲峯自有非飛來真如石動乃其道  
徘徊崑麓怡移時遙見湖光嵐影倒

恭和

御製自蘇堤跋馬至聖因寺行宮元韻

行殿依然宵旰餘觀遊隨地惜居諸湖邊山色看纔  
罷還闕封函乙夜書

十里飛花擁翠旗六橋新柳颺歲蕤歷堤芳草自春色  
長養全邀淑氣資

遊舫沿渡任縱橫拾翠人從畫裏行一鑑湖光千頃碧  
水亭紅樹入空明

恭和

御製罷漁元韻

兩湖春水平流浙新漲罷漁家近湖旁生計此中在  
非如杜陵詩不取一錢買

聖情靡不爛聖厯恐有礙陳魚戒曰吁斷罟風百家豈  
徒爲非時鯢鱖禁勝幸念茲澤國民陂池足漁采徒因  
水虞供趨利乃觸罪

皇仁同祝網川澤如雨解潛躍適寬深湖水自澆澆愛  
民

詔長吏惠績予嘉乃自茲卯育蕃物產當歲倍

恭和

御製戲題虎跑泉元韻

香雲白石擁僧居爲想高僧入定初  
龍作浪花飛翠堵  
虎移泉脈響林於  
千年詩客碑陰古  
一片禪心月影疎  
獨有淵泉符

聖諦松風親試貢茶餘

恭和

御製觀採茶作歌

鳴鳩乳燕春聲喜未及  
蠶忙事生理蒙山顧渚不足觀  
西湖龍井稱天然雲垂綠脚滿山路盡是仙芽  
蘇蔓處  
穀雨初交趁乍晴  
采采盈裾莫言劬筠籠包裹作肩挑  
雨前雨後分今朝  
莫驚清蹕入雲塢  
林禽也慣聞鳴鑣  
清問周知物情僞  
嘉爾吳民及時意  
瓊漿玉溼亦何需

活火新泉有真味

恭和

御製觀江潮作歌

浙江左抱城南旁一月六十陽侯忙龕山赭山試一望  
銀城雪壁勢莫當千人鼓譟吳兒舞繡胸文脛中常羊  
吳檣楚艘一時戢須臾萬馬奔空江望海樓頭誇景好  
斷鰲儻失金銀唐西興渡口衆帆落波撼不辨吳歛腔  
嚴灘水咽越山碧迴瀾拗怒猶錚鏗顧兔盈虛候不爽  
滄波八月風碾碾其餘安流淨如練估客每趁輕颿揚  
伊昔潢波震吳越西陵東擊連枯蒼水犀強弩有神助  
石陂竹絡功何長隄防堰築厯 宵旰靈胥戢浪馮夷

降至今沙田可耕作魚鹽利比他州強郊廓環堵室廬  
聚不憂萬古成滄桑

恭和

御製岳武穆祠元韻

自將忠盡繡旗常百戰威名震朔方祖豫州亾功旋墮  
霍嫖姚去戰無光班師計已成孤注請劍人誰動熱腸  
痛飲黃龍今古恨徒爾祠樹式遺芳

恭和

御製再至雲林寺元韻

山谷鬱盤藏古寺芙蓉四面石壇高半空鈴語雲中枕  
絕頂松聲海上濤初地有人傳貝葉靈峯舊日隱詩曹

鳴春小草

卷四

八



坐聞香氣三天下金粟祥龕久挫糟

恭和

御製過靈隱至韜光元韻

石磴隨峯轉松虬聳百盤潺湲低暗徑澁勒響明珩  
睿賞雲林淨新詩錦字安尙餘濠濮興蓮沼欲垂竿

恭和

御製坐金蓮池上用白樂天寄韜光禪師韻

池上金蓮現凌波仙子家坐看雲出岫時見水流花宿  
露初含蕊新烟薄吐芽生機都活潑報試火前茶

恭和

御製用韜光禪師答樂天韻

如此山光沸檻泉高僧應是對雲眠  
峯開一掌晴吹竹池擁千盤露  
滴蓮猿鶴夜聲歸上界磬鐘朝響徹  
諸天香山遯事添幽韻  
磨藻新傳窈堵前

恭和

御製登六和塔元韻

龍山何巍峩浮屠峙千堵信心生妙因紺林現寶所化  
城渺何許昨粵金地古丹碧森貝筵濤音答梵語寶幢  
建開平締構始禪旅氣壓三大千窈兀撐海激中有丹  
梯緣微聞妙香炷初地闕光明靈景資仰取九曲隨盤  
旋瞥見諸藏部滄溟豁達開雲中散花雨當窗橫大江

高檣盡一俯

天章曜三光躬照下民苦廣哉慈恩篇流福非小補

恭和

御製杭州啓蹕回鑾之作元韻

聞說鑾回穀旦誼春風似挽六飛遊吳民計日先呈  
喜越俗攀轅未解憂草木無心叨澤渥禽魚作意戀  
恩稠五年纔盼青旂到只得湖邊七日留

恭和

御製賦得涉江採芙蓉

得江字

太液芙蓉發清輝邁楚江依依迎曉日采采盪輕艫入  
手分筒碧翅橈激水淙綠羅裁處一白羽漾來雙珠露

凌波見薰風拂袖降賦宜君子贈歌惜美人腔摘罷空  
明鏡攜歸滿綺窗移根欣得所休憶涉吳瀟

恭和

御製賦得竹外山猶影

得山字

浮嵐天外遠况隱竹枝間葉密纒暹霧竿疎不礙山翠  
流雲未定黛淺影長閒稍覺幽竒隔誰從問訊還和烟  
一髮澹籠月半規灣卧向紗窗看幽居晚莫關

恭和

御製賦得細雨織斜紋

得斜字

雨脚垂垂細長空落影退散絲初縹緲密織旋交加染  
處還疑黛纒成不用車龍梭千疊隱燕剪一痕斜暗欲

鳴春小草

卷四

十

迷織縠明仍透素紗過雲呈片錦映樹蹙新花薄縷隨  
風斷餘紋倩霧遮更宜晴後看如綺爛烘霞

恭和

御製大西門樓前較射疊舊作元韻

大安宮殿對西山秋入華林萬木間雞塞 回鑿千騎  
肅龍樓問

寢六飛閒鄒枚趨直都陪輦昧蔡來朝亦侍班共仰  
聖人親較射瑠弓滿似月輪彎

刻注紛紛勢莫當連翩矢似織流黃神機早握千鈞弩  
犬巧真穿百步楊解角清秋尤有力鵬翎白晝亦飛光  
何方狡兔能藏窟天上威弧正射狼

一聲鳴鏑一呼嵩

神武齊稱萬口同繫頭不須勞漢節傾心早已向唐弓  
安飛中澤無鳴雁高載前旌有畫熊

聖度淵深超巧力期門都覺技難工

弄橐馳道微吟鞭水色山光錦埒前苑草平鋪調馬地  
塞雲回指射鴈天防風且到華胥國貳負終蒐具野田  
欣睹緇弓賡盛事舞干還覺陋虞年

恭和

御製雪元韻

夙愛輞川畫溪山似絮披何如上林景先試雨花期氣  
動三重幕祥酬乙夜思還催進粉本漬素寫虬枝

恭和

御製詠垂絲海棠芍藥二首

垂絲海棠

縱使無香別有嬌  
醉餘舞倦更妖嬈  
楚宮新樣應難學  
不鬪桃腮鬪柳腰

芍藥

天香國色兩難分  
獨殿東風信逸羣  
縱是姚黃相並立  
未應羞澀似羊欣

恭和

御製詠葫蘆筆筒元韻

細腰非爲戒盤發  
饒腹無煩剖巨樽  
槐市根遙休惜別

管城封近許叨恩古犀老繭新投契暮雀秋蛭久忘言  
惠子逢心艱用大王郎藻思解探源案頭氣得經書潤  
架上斑消霧雨昏曾自堯厨分手澤珊瑚有價不須論

筆筒係  
聖祖所賜

恭和

御製登定光塔作歌元韻

朝從行殿看盤山虛無稍見星辰邊峯頭一點如植筆  
知是古塔懸虛巒只疑飛鳥不可到孤雲忽沒難追攀  
須臾跋馬蓮花嶺崎嶇崩劣難爲言舉頭親切看山色  
翠微窈窕幽且閒盤旋一線達巔際雙旌直上開山顏  
無端花雨墜塔頂繽紛莫得窺其全作歌天上那復覺



但見蟻行一道蟠山前

恭和

御製駐蹕靜寄山莊元韻

田盤形勢豁開紆絕域於茲謁

帝居翠磴待馳千蹕裏明燈環照萬芙蓉衝寒送喜來  
天外避暑開筵隔月餘明日山莊開洞達誰人後至敢  
徐徐

恭和

御製得概軒元韻

樹杪高軒出開窗對夕陽礪聲寒更靜山色晚逾蒼歸  
鳥將雲月遙村帶柘桑誰知閒做處幽趣足叅詳

恭和

御製遊古中盤元韻

既窅而深祗樹園兩山盤處見山門風清萬壑凌冬淨  
日照千松到午暄經梵空中聞縹緲旌旗天上見飛翻  
畫圖曾與傳真面七曲屏風此處存

臣於己巳歲會奉  
敕繪古中盤通

景屏  
幅

恭和

御製貯清書屋元韻

山深滿清氣坐覺靜中多高檻孤雲入寒空一雁摩松  
疑琴裏聽月似雨初過除却王維句倪迂畫若何

恭和

御製引勝軒元韻

探奇以目往延景以情勝軒勢旣多姿山谷亦無定如  
開四面窗窓窓掛明鏡朝光與夕靄總在一庭映

恭和

御製右部哈薩克及塔什罕城回人布魯特首領胥來  
覲謁恰至山莊曲宴示恩點筆成什元韻

早驗東風氣候嘉明駝萬里未爲遐

威申窮壘無三窟

德洽殊邦便一家杖杜新歌應繼作  
蓼蕭濃露已先加  
侏儻自悔爭蠻觸鑄却前謀一字差

番夷絡繹悉徠臣

錫宴便蕃幾浹旬，月竈無烽都解甲。

天朝有將說生申，盡牽渥水權奇馬來作山莊拜舞人。  
誰道穿蘭只西去也，隨東注效歸仁。

恭和

御製賜哈薩克布魯特等宴卽席得句元韻

聞闕真臨西海開，條支安息亦鄰哉。昔聞漢使尋源去，  
今見藩臣走傳來。異物何須叩竹獻，初筵兼許錦衣陪。  
得從天上叨三爵，可勝豪家萬石醅。大宛傳富家藏酒多至萬餘石

恭和

御製仲冬南苑大閱紀事元韻

苑夏早傳萊野令，蕃夷亦預六韜論。同瞻

軒帝臨天目不許共工射係毘礮走雷霆山欲動旗開  
雲鳥陳無噓指揮直到蒲昌海萬里師中也拜

恩

恭和

御製人日立春元韻

卽此青旗是捷旗疊成雙勝總相宜共傳天上迎春帖  
不數人間挑菜詞兆速七旬冀葉葉祥呈三素絲絲絲  
斗車迴應文昌位

斗柄東指則文昌位正西

蒼帝麾同上將馳

恭和

御製填倉日命哈薩克人觀燈火元韻

宛駒萬里走春程來趨

皇都不夜城勝事恰餘蒸餅節重排燈火暢遐情  
次第名王列坐多筵前海藏轉遮那西邦舊號蠕蠕部  
燕子蛾兒識得麼

冠裳一洗殊邦舊簫鼓遠陳 上苑新同聽踏歌燈影  
裏不知身是貴山人

紉纓卿雲麗絳霄收燈節後蠟重燒紅光閃作紅旗影  
共送歡聲達詰朝

恭和

御製御園賜宴哈薩克蘇爾統俄羅斯等卽席得句元  
韻

拔汗羣叨大化烝傾心應直到雲仍重教侍子修朝覲

早有名駒效飽騰春雪融城初

賜脯夜珠明檻未收燈共球奚藉酬

天寵燕笑親承益戰兢

無須飛檄下叩驢向化由來異諭降自有

皇輿通大漠也同天堊不長江懷柔視此三巡酒馴擾  
都如百尺幢何物么麼能自棄已收西海作吾邦

恭和

御製射八韻

離宮春永協辰良蕃使賓門預拜敷委佩就班多選士  
屬寮陪位有名王曾叨

錫宴鋪燈席更爲張侯結射場怪底羣材齊瑟縮都緣

天巧出尋常白看飲羽穿風過紅與飛花墜地忙雲表  
狼驚應戢戢陸頭蛾伏盡皇皇不煩傳箭遙情服猶是  
覆弓衆志農 家法欽承懷震疊威弧遐指靖戎疆

送小山宗伯南歸恭和

御賜詩二首元韻

如畫家山幾載縈得歸

恩樹引年情扁舟應有趨朝夢還逐春潮暗裏生

幾人得遂懸車志莫道春明路不賒此日殿聲何處識  
九龍山隔萬重霞

恭和

御製喜雨十首元韻



雨陣

不用東風借助奇，盆翻屋瓦勢被麗。龍蛇隊裏烟雲壯，金鼓聲中霹靂施。捷奏農官傳露布，戰逃旱魃有降旗。西戎赤縣雲霓望，一例膚功地水師。

雨雲

乍若霏烟濕不消，斜紋縷縷織空霄。山容鼎翠疑連夜，柱礎流津信詰朝。影暗川原全注地，氣蒸江海欲通潮。誰人寫得油然勢，應是襄陽醉墨調。

雨山

無須着屐更攜童，嵐雨霏霏一徑風。樓上卷簾增窈窕，牆頭浮髻失龍從。洩雲泊處彌天外，元氣收歸滿幃中。

最是晚來晴亦好  
還添新翠接長空

雨田

處處鳩聲喚起犁水衣  
穿破綠針齊縱遲  
早熟還收晚況說高原不讓低  
儘有風光酬襍穢  
信知點滴勝懸豸  
朝來隴畔人如畫  
箬葉爭遮餉槓攜

雨樓

湘簾開向雨中看  
雲影層樓十二千  
坐覺到來全失暑  
非關高處不勝寒  
萬家烟樹痕俱合一  
笛晴風點未殘  
欲驗新波添幾許  
窗前遙見屋頭灘

雨舟

一雨祛炎盡解憂  
開襟恰合泛扁舟  
布帆無恙攜琴去

棕袂多情伴鶴遊，柳影低橋將沒纜。  
浪花迎艦不停流，片雲猶爲催詩急。  
滴滴篷窗聽未休。

雨樹

烟際濛濛一萬枝，都隨羣彙起凋萎。  
足知造物無私惠，莫怪枯柯也弄姿。  
葉底禽聲憑瑣碎，根頭蟲語漫吾伊。  
可能寸草春暉報，不負從前望澤時。

雨荷

朶朶芙蓉競濯姿，雖因待澤未嫌遲。  
出來多稼三秋後，正似搴芳六月時。  
隔浦乍教清唱歇，薄晴還見晚霞披。  
掃珠品得茶滋味，騎火工夫足勝飴。

雨蟬

蟬鳴底事覺殊常。翅濕應如乍點。簣催杼聲。原先蟋蟀。  
轉丸手不讓。蠅蝦暗傳遠。樹添蕭瑟。涼入疎鐘。共抑揚。  
薄暮臨風。聊倚杖。可無清韻答裴王。

雨蚓

泥中匿跡。雨中行繞砌。工爲續續聲。燈炮忽聞歌女調。  
夢回疑見草書精。晉書蕭子雲草書行。行如繁春蚓。東坡云。人夢蛟虺蟠結。乃是草書之精。  
多緣土氣能蒸潤。未必花根果化生。誌喜競傳天上曲。  
敢將鼎竅繼吟情。

恭和

御製臘月十一日雪元韻

喜氣休徵事。每連餽簫聲。裊落梅前光。搖天外明旗影。

辨綴花先晃柳烟待促東皇融玉海并鋪西極作瓊田  
七朝看啓蒼龍駕鵠鵠晴開拜手虔

鳴春小草卷之五

武進錢維城稼軒著

弟維屏

維喬編次

姪

錯

伯純

子中銑

中鉦

校字

恭和

御製元正太和殿朝會庸作歌元韻

簫韶聲裏鳳皇儀輝耀虞廷五色旗

聖壽萬年宜百福朝正元日集千禧天臨北闕日當

午春滿東郊斗指寅禮樂昌明歌在鎬乾坤今是泰交

時

日上觚稜金爵棲城融樓雪卜新禔瓊田早兆如雲麥

蒲海都爲徧德黎蓬島移樽  
瑤殿北闔風開苑玉門  
西共球萬國從來說似此  
鴻圖詎克躋

恭和

御製二月初八日調

陵啟程駐蹕烟郊行宮作元韻

上

陟蠲吉仲春朝日月旗開氛氣銷  
萬里蕩平功載告  
三朝陟降監非遙  
初程行館弦新隗  
負郭平疇繡宿苗  
扈蹕人人歌凱樂  
甲兵永戢不重教

恭和

御製駐蹕翠雲山房元韻

離宮深寄翠微間，雲外風蘿近可攀。  
半嶺非烟封鳥道，一窓如畫護山顏。  
移花有影開簾見，出岫無心拂檻還。  
棐几坐看餘靜趣，徐吟消得萬幾閒。

恭和

御製恭謁

孝陵元韻

珠寢薊門東，開天百代功。  
昔歌豐有芑，今見嶺逾葱。  
繼述孚元造，聲靈震大蒙。  
豐庸兼創守，降監意真同。

恭和

御製恭謁



景陵元韻

三駕朔方師

親征廟算宜  
逋誅應有待  
掃穴此爲期  
爲告干戈戢  
彌深霜露悲  
功收二萬里  
燕翼式憑斯

恭和

御製桃花寺行宮作元韻

山寺花開春氣佳  
霓旌一宿駐高齋  
平晴蘊雪滋新潤  
宿麥連雲長舊荻  
景接遙空宜極目  
韻兼清梵入澄懷  
紗疏靜對虛嵐啓  
朶朶芙蓉一桁排

恭和

御製駐蹕靜寄山莊二律元韻

山色年年邀羽葆盤中合號小勾留松含古翠蟠虬尾  
石戴圓青露佛頭最有高樓堪貯月未嫌陰嶺不宜秋  
來遊况值花朝近杏粉舒腮柳蘸眸

天教疊石作名園遠岫拖藍抱 苑門半壁閒雲深有

路一溪晴雪澹無言花明幽谷都忘豔鳥語空山豈厭  
喧幾許 新篇酬好景別開生面與鈎元

恭和

御製題澹懷堂元韻

種得龍鱗百尺修綠天高處結飛樓無端雲影侵階暗  
何處濤聲入座流清景一簾如古畫名言三復當嘉謀

聖懷浩蕩超元箸得句頻宣離石侯

堂取武侯潛泊明志意 聖製中實

焉  
三復

恭和

御製雲林石室元韻

盤谷由來多古松  
雲林勝處更重重  
虬龍不道當空走  
風雨何由白晝逢  
石广恰臨青壁迴  
山花還點綠陰濃  
聖情愛此摛新藻  
自有驪珠萬斛從

恭和

御製古中盤作歇元韻

中盤窈而深  
亭午日始見  
石林森寒青  
松翠遞隱現  
螺痕左轉鳥道通  
暗水瀲灩尋無踪  
始知萬派走石罅  
雲

竇更在虛無中，毘盧峯高不得往。但見懸崖若獅象盤之阻，兮誰得爭序讀。昌黎溯疇巖名山，勝地無處無獨闕。窳窳其斯乎，問之山僧如守株。盤山之美，天下少古中盤尤天下殊。

恭和

御製千尺雪四首元韻

東崖西嶺兩邊開，澗道潺潺幾百迴。流入苑門看不見，漫空飛雪罷沿洄。

山根昔是水淙淙，畧比濤聲出碧松。一自仙毫加品藻，阿蒙非復舊吳儂。

空山想得仙源近，流出桃花第幾灣。却訝迴風飛絮裏

鳴春小草

卷五

四

春工作意不曾閒

自昔幽居孰許陪  
采山釣水自銜杯  
不知吳下趙居士  
曾否田盤雪裏來

恭和

御製夕元韻

斜陽不到地濃靄  
釀春夕歸鶴度西山  
投林知所適  
泉聲鳴暗階  
嵐影漾虛隙  
芳春利晚雨  
催花非太劇

聖心重犁雲愛此无方益

恭和

御製夜雨元韻

天垂平野漸欲低  
遠樹漠漠烟離迷  
峯頭塔影暗莫辨

知有半嶺孤雲棲

涼意蕭蕭欲侵枕疑是蓬窗聽未審老農燈下理農車  
明早驅牛且先寢

好雨知時慶不眠隨風入夜芳春前十旬雪後占誠驗

信有農書故老傳

農諺臘雪盛百日內必有時雨

凌晨開霽帶暮涼鋤雲犁雨占農祥山禽學語喚泥滑  
不道田泥滑不妨

恭和

御製山中雨望元韻

一望廉纖遠更濃誰將潑墨寫山容隴烟破處浮簑笠  
知有扶犁趁雨農

如馬奔雲斷復連不分兩脚只飛烟恍開秋夜瀟湘卷  
水盤通露合作仙

淨洗朝來十丈塵筆牀含潤擬瑤珞山樓風滿開簾望  
面面烟鬟試沐人

新杏醑紅似露濡春衣初濕看還無田盤亦有寒山雪  
疑是幽人來弄珠

恭和

御製賦得松湍流韻元韻

千章虬滴翠一道玉垂紳解作空中韻堪娛物外賓寒  
濤清愜聽虛谷妙傳神月下兼流影琴邊合動塵冷冷  
灑冰雪渺渺叶伶倫會得無弦意元音在朴淳

恭和

御製雲罩寺疊前歲韻

白雲冠高嶺寺古當天風疑是太始雪  
霖崖無春冬窅堵指月標造幽緬神功長空淨妖氛  
萬里除頑兇告功重俯仰聊憩行漏筒

恭和

御製再題千尺雪元韻

宸遊愛此幾登臨復有陽春在  
旻音鴻爪畱痕徵自昔蚌胎添暈試從今  
沿洄似動尋梅興瀟灑仍勞訪戴心他日溪邊飛柳絮  
還疑寒意落青岑

恭和

鳴春小草

卷五

六



御製清明日

安祐宮行禮元韻

告功次第謁

山陵暫此 鑿迴愴不勝佳節還逢禁新火精禋奚俟  
徧肴烝衣冠原廟惟追孝風雨霽旗亦奏能猶是年年  
春露感干戈永戢益欽承

恭和

御製二月廿一日恭謁

泰陵啓蹕疊乙亥韻紀事元韻

西陲昔罷戰六馬歸

橋陵豈不事勦絕還念恭生生我

皇凜繼志秉鉞承紹庭萬里鏹遺壘五年揚塵旌蒲海  
竟東流

宸極筦衆星囊矢告

前烈摛毫紀初程

恭和

御製永慕齋元韻

橋山咫尺此齋居詩詠湯孫儼顧予萬古熊羆常守  
寢一廬風雨暫稱遽鬱蒸氣近春嵐合盼緇誠通夜幄  
虛明待炳蕭頻

問漏可知

陟降在庭除

恭和

御製恭謁

泰陵元韻

龍跡山蟠

憲帝園春林雨露愴常存金書有赫藏珠寢石馬無聲

晴玉門掃穴已成貽燕志窮蕃猶戴納降恩雍正年間

爾德尼招之敗投誠告功近溯

文謨顯

帝謂原通陟降言

恭和

御製二月廿七日郊勞出征將軍兆惠富德及諸將士

禮成紀事元韻

筠冲天外遠廻軍偃伯臺前

親策勲雲際黃麾朝

帝座日邊組甲動星文撫循一一龍光近燕笑頻頻虎  
拜勤笳鼓齊翻新樂府太平歌吹總含欣

春滿陽關信莫違草屣何事感山薇名王圭組馳金勒  
上將刀環掛鐵衣貔虎勇收歸宿衛風雲氣淨息衝機  
五年闔外關 宵旰此日文昌傍紫微

文昌爲  
上將

恭和

御製三月朔日御殿將軍兆惠副將軍富德等率成功  
諸將士朝謁詩以紀之元韻

紫宸朝啓彩雲排蒲海人來凱樂皆高挽銀河洗兵馬  
全收玉塞入庭階

恩沾闕下千軍靜春度關門一色佳萬里永清飛將在  
功成惟是與安懷

恭和

御製上巳日凱宴成功諸將士元韻

蓬池凱宴大軍旋喜氣遙連西海壩楊柳青旗上林苑  
和風修竹暮春天功恢苜蓿全收外歸及櫻桃未薦前  
盛典殊勲俱曠古六師雷動盡歡然

春波不及

湛恩深鏡吹聲中花滿林早布雷霆西極外旋施雨露

曲江海筵前爵馬陳何幻海表鯨魚力可禁多少纏頭  
陪座者鵝音已革昔年心

天如大幕四邊垂率土來同是此時疏屬山遙俱投首  
防風國遠敢逾期將軍新酌葡萄酒戰士多廢林杜詩  
憶昔

仁皇初奮武橐弓謀自

兩朝貽

惠風和與陣雲旋先有明禋告吉蠲

恩逮篚筐孚衆志功推帷幄重中權春光不是賞花宴  
秋色迴思落雁天何事平西賡柳雅

親揮皇武勒祈連

妖軀正待鎖庚辰，福將真看降甫申。  
萬里攀旗收玉塞，一時解甲戢金鱗。  
羽干隊裏承

恩地，弧矢叢中報國身。  
他日會開麟閣宴，弓刀先識畫  
圖人。

亂領妖腰孰可憐，天開三窟靖遙邊。  
恰當春苑流觴日，喜說清時脫劍年。  
水到罕蘭非是遠，城如葱嶺未爲堅。  
卽看雅樂收回部，詎數龜茲屬國弦。

渥水爭牽天馬歸，蒲梢歌曲漾清暉。  
書翻默訥占星驗，史辨崑崙鑿空非。  
佇貢玉環符瑞應，永銷金甲答麻機。  
西夷自服攻心策，樽俎無煩白羽揮。  
振達山前笳吹清，趨坡臺畔鼓鐘聲。

膚功已勝七旬舞令節先稱

萬壽觥圓幄高張知日近重關遠關凜風行洗兵不用  
天河水看取晴波太液盈

恭和

御製命儒臣排次回部錢文及所有古銅錢因題以句  
元韻

西戎卽敘秦殊功鹽澤泉源玉府通絕域貿遷徵品異

洪遵泉志有異品錢

皇朝正朔表文同回人以騰格輸賦每一騰格直白金

鑄乾隆通寶四字流傳漫紀漢唐宋其古錢自五銖起至元寧止則壤仍分

上下中其葡萄國等輸賦各分直過天山開鼓鑄遐哉

等次詳見將軍原奏中



聲教溯

宸躬

恭和

御製賦得南風之熏元韻

得同字五言八韻

解慍傳虞帝千秋曲未終忘情對茨土託興在絲桐飄  
忽來弦外吹噓出指中財均三壤賦動合四方風復旦  
光真爛維南化益崇從屋驗箕畢入律助昭融殿角微  
涼起雲間翾羽翽簫韶茲再奏

聖治古今同

恭和

御製和闕玉元韻

得珍字六韻

聖化通西域和闐貢席珍圃真開闔苑聲定驗蕤賓詎  
以連城貴惟因比德清嶰山疑似雪慈嶺氣如筠白琥  
西方薦元圭禹蹟巡從知蔭嘉穀鹽澤亦吾民

恭和

御製端午帖子詞元韻

閣門給札近蓬萊金縷鸞紋不費財帖子未成先賜錦  
含風細葛稱身裁

教來鸛鵲能成語訛得終葵解逐邪扇市今年稱極盛  
賣符裹米說家家

仙酒菖蒲九醞真同天令節紀庚辰一年一縷稱長命  
萬手按絲祝

聖人

凌晨宣進海西侯奪錦筵中錫賚優不用靈符解兵氣  
樓船何似鬥龍舟

多少顛顛鬢鏡人振鵬圖裏畫難真何當別寫操舟卷  
添得波斯與罽賓

睿藻親抒歌宴鎬天中化日氣調均扶桑初旭明旗影  
花底鳴鐘報正寅

恭和

御製紫光閣落成錫宴卽席得句元韻

麟閣巍峩太液濱元辰嘉宴集勳人筵前龍虎歸圖畫  
池上鷓鴣列薦紳戶隔八紘羅地絡璣衡七政頌天申

今朝凱樂聯中外五載深勞

睿算頻

恭和

御製七月十七日幸熱河以雨濤命誠親王恭扈  
皇太后駕俟路燥後行雨中登程跋馬成什元韻

村村叢笠待

巡宣不惜輕裝易細旃遲日

安輿循坦道順時法駕軫農年高低禾黍遡行驗次  
第杠梁飭治便敬識

慈顏應有喜

至尊辛苦爲民田

鳴春小草

卷五

十一

恭和

御製行潦元韻

天馬慣行空何况雨翻淖有如坐風帆篙楫不輕搖方  
秋重省歛疾駟非所樂今年實大稔積雨猶厪澇高原  
與下隰一一

親巡到補助速隨車奚俟官司報遠岫煙迷濛攬轡兼  
領要

恭和

御製出古北口四首元韻

斷續水邊分遠騎高低巘岬綴征人關山行旅天然畫  
秋色憑添一燈新

秋容如許繪應艱一線山圍百曲灘翠舫已從雲外渡  
蜺旌猶自嶺頭看

羽葆年年此道經劬農講武不教停邊落盡曉隨陽意  
一一銜蘆逐雁翎

輪蹄交午萬方來一統車書實大哉日射關門開四扇  
玉河西接受降臺

恭和

御製七月廿四日常山峪行宮作元韻

行殿快新晴山圍幾曲程樹深秋色迴亭敞暮烟迎落  
日看銜磴清風欲滿楹五雲常護蹕還擁石槽營

皇太后自京啓  
行蹕蹕石槽

恭和

御製駐蹕喀喇河屯行宮作元韻

藍水曉霜澄金山暮紫凝浮梁依岸穩高館與雲憑沼

滿牽舟渡

是口上於  
宮內泛舟

坡平試馬登

是口外  
馬者甚多

塞田

秋正熟輿頌喜堪徵

恭和

御製創得齋元韻

似從疏鑿外獲此竊而深乍愜探幽意還叅得句心松  
常關丈室雲亦戀分陰以創翻成故年年暢討尋

恭和

御製詩思元韻

睿藻本從天上得人間誰復詔臨池絳雲舒卷如無意  
滄海茫茫那得知神解孰叅弦指趣化工均仰聖凡師  
廿年萬首新編又頭白惟虞校對遲

恭和

御製題做晴齋元韻

齋以雨後落成賜名

嵐氣豁餘潤簾光開早晴遠峯初識面新館乍畱名鳥  
擘間關語溪含澹蕩情

宸遊頻得句不用雨催成

恭和

御製繪韻樓元韻

雲峯超象外樓勢挾飛動韻在無聲中豈必絃與孔百



明季人正  
卷五  
廿  
級巖泉懸一几烟霞總倪黃人間師筆墨漫矜龍六法  
闡化工濡毫愧供奉

恭和

御製清綺書屋元韻

簾陰漠漠澗潺潺  
几芸編洞壑間  
滿耳笙簧松自澹  
一溪鳧藻水常閒  
餘霞欲散窗中樹  
新月時窺鏡裏山  
妙得清言如綺意

宸章高唱徹雲關

恭和

御製快晴元韻

西風一夜吹秋至  
徧作空山萬樹聲  
雨漸收絲客宕漾

峯初濯髻氣澄清閭門雲淨看烏上沙苑堤乾待驥程  
遙指木蘭

行獮處霜鵬飛掣碧天晴

恭和

御製陝甘總督楊應琚奏報甘省豐收已定詩以誌慰  
元韻

綬豐奏梁雍和氣蒸遙邊車籌慶先秋異畝雙岐連

天心孚

帝德元化中回旋積歉報屢豐含哺樂安全遙知崇墉  
勢直接穿蘭田白鳥啄餘粒黃犢無煩牽村犬足生黿  
開門穩宵眠歡聞凱歌日復此康衢年幽部多古風至

治何加焉

恭和

御製河南巡撫常鈞奏報秋潦河漲漫溢大堤請情形

詩以誌事元韻

黃河如奔雷萬里落天際每爲江南患丑歲曾停蹕  
彭城勞相度疏鑿皆

親試至今慶安瀾快慰元元意豫州居上游勢若建瓴  
至龍門及砥柱禹迹誰當繼重臣昔再遣綢繆亦云備  
今秋竇異漲非爲前功棄漫溢逼郡城急遞走邗驛時  
方波浸淫宣節漫啓閉

聖人厯饑渴夙重蒼生計方當

巡秋初雨望早南繫念彼夏麥收本是豐稔歲毋乃豐  
隆侵地力或虛費披章亟前席疇爲甦民氣除患莫如  
速陽侯敢增劇橫流必有歸廬舍可塗暨况當青黃時  
賑卹尤所跂百萬司農錢要在資實濟導水責河官救  
荒責縣吏佇俟報平成豈獨消殿屎陰陽偶愆沴於物  
何怨懟斡旋在人功繫我

后之賜璧馬何須沉衽席自旋致陋彼宣房謀臨河告  
無愧

恭和

御製塞山夕景元韻

山因出塞奇景以入夕美一園兼衆勝勝賞固莫比初

看一桁青俠帶萬痕紫落照無定姿如錦復如綺林烟  
與之接變態在徙倚回憶雲中峯如叅味外旨山川蘊  
深趣

聖智契其理萬籟方寂然斯境孰能紀

恭和

御製河南巡撫常鈞奏報開封水消及河奪溜楊橋諸  
情形詩以誌事元韻

豫河水落如飛邾堤民拍于天吳愁黑堽之口且未築  
萬壑併入龍門流楊橋一次連賈魯古道自復非人脩  
河南山左壤地接一體均係痾瘵憂已聞大溜自南徙  
毋使泛濫逾今秋金隄千里不卽固或恐直下洪湖漚

所喜徐城漲，陡落下游已免無饑調。播河而九有古法，勢殺堵塞方徐謀。官儲不惜數百萬工賑，並舉民咸賜。決排疏淪皆禹績，使臣而稟。

瘡宮猷平成，卽在指掌定。豈俟持策河邊籌。

恭和

御製題蓮花室元韻

不見蓮花祇見樓，蓮花卽在萬山頭。拈來妙品莊嚴相，擢向真源自在流。丈室散時香泛海，崇臺結處露凝秋。漫叅一現優曇境，寶座長依鷲嶺留。

恭和

御製大學士劉統勳協辦大學士兆惠等奏報楊橋決

口合龍詩以誌懋元韻

狂瀾毋許更橫侵龍口排歸故道深刻日成功飛騎告  
先時授策按圖料工兼寓賑

皇仁溥說以忘勞衆志懃薪草如山寧論直

上以該地被災一

切料物皆倍其值以故功成迅速

泥沙隨溜不教沉潛驅河伯承流順

迅遣風師受約欽從此安瀾昭底定

宸篇嘉與答神歆

恭和

御製詠木桃元韻

樹頭嘉實樹根拳古質天然海外仙采自蒼崖和露滴  
巖從丹地向陽鮮本來無核難移種何處蟠柯莫問年

正是西池開宴日雲璈聲裏頌 瑤篇

恭和

御製玉盤謠元韻

亦稱前玉盤謠

窮竒營窟不盈尺  
逋藏重寶復何益  
爆然炎火燒玉石  
一盤未煨堅且碧  
晶英不甘困鹹澤  
登朝自拔泥沙跡

王師憶自踰崑崙  
玉河飲馬天方賓  
阿逆竄竊逃迷津  
如魚在釜待俎樽  
以首叩盤乞命存  
此時寶器多不完  
埋沒莫問窮荒年  
軍門驛致此非偶  
嗟彼有之安得守  
中間蝨賊互簋取  
玉不受污點瑕醜  
天綱高提絕飛走  
和闕以西且吾有  
琳瑯絡繹來座右  
嘉茲厯劫精氣滋



盤龍結纈鸞錦衣珍重豈繫遠物奇要驗五載平成師  
鈞天發謠昭樂熙銘辭刻劄謹識之珠捐綺焚且勿椎

恭和

御製玉盤謠疊舊作元韻

亦稱後玉盤謠

耕屯獲盤圍數尺涵規合度無損益主守遠致踰積石  
斑斑土氣猶蝕碧韞精夙分玉河澤神工一泯磨礪跡  
先是克敵開崑崙天方威燁萬國賓叛酋跳身伊犁津  
棄其寶器罍罍樽就中有盤塊然存驛致內府堅且  
完事在乙亥功成年此盤今來忽成偶同是綽羅斯汗  
守四衛拉特莫敢取睽睨饒涎况羣醜玉如有知脛而  
走先後俱爲大朝有陳之一左恰一右於今西土膏

澤滋昔憂饑凍今食衣一盤初入跡已奇復有後者來  
京師歸仁可驗人熙熙雙盤合璧永寶之妙解曷用連  
環椎

恭和

御製壬午立春日雪元韻

雲連三素釀陰頻影晃青旂正及晨六出花中烟乍暖  
頭番風裏樹先春不須柳岸衝寒覓恰傍梅簷索笑巡  
細碾玉塵鋪 輦路江鄉膏澤早含仁

恭和

御製雪中漪瀾堂元韻

永安薌梵擁春陰山半霏雲萬笏森島嶼無邊雲外隱

樓臺一色月中尋綺窗信是含西嶺琪樹由來滿上林  
更有江南香雪海瓊枝晴待翠華臨

恭和

御製石鐘乳元韻

鐘乳生西嶺千秋蘊粹光無人餐玉髓是處滴霞漿懸  
水凝冰柱垂峯拄石牀質兼三品重紋帶五雲相洞壑  
蹤難覓溫和性最良力圭上天府仙液詎終藏

奉

敕補和庚辰中秋帖子詞十疊元韻

聖節逢秋詎等閒人間法曲總須刪碧天別寫如恒頌

照徹昆湖萬壽山

是歲恭逢  
上五旬萬壽

皇

豈獨人情愛景光，廣寒深殿亦焚香。神仙都赴同庭宴，

無數祥雲帶斗匡。

王公大臣內廷翰林俱稱觴，錫宴於同樂園。

月地描摹孰畫師，九霄多處暢吟詩。風簷此夕羣翹首，

擬折天香到鳳池。

特開八月鄉試恩科。

玉宇高明百尺樓，露華新洗一輪秋。滄波萬里蓬山路，

直照崑崙西海頭。

平定回部在己卯之冬，凡飲至策勲諸大典俱於是歲。

恭和

御製入江南境元韻

南服入疆初星陳整

帝輿虎賁紅韎鞞，鳳葆翠林於楚甸。觀懸水彭城歷舊

墟，憫民金仗減鞞馬玉鞭徐。

鳴春小草

卷五

三

帝命已貽我

堯心尙做子六塘功奏後栽柳又春舒

恭和

御製四依

皇祖示江南大小諸吏元韻

盛治尙寬裕無取濕束振大或封疆寄小亦符篆剖寧  
貽製錦譏幼學應已久九職農居先八政食爲首好惡  
協民情庶幾民父母

盛王心乎民務使安隴畝辨訓敷厥前異命申厥後疇  
敢不敬聽匪勉就官守臣惟珥筆勤追隨內史友布德  
向隣封勗念助仁壽仰闕 雲漢章內諗殊負負

恭和

御製度永濟橋再疊舊韻作歌元韻

登登白石排演池中應順注六塘水高楊掩映華蓋  
停萬民夾道歡聲起從前湖水闕不流痼瘵念切勞  
親視尾閘暢泄隨河旁淤填盡闕塘河裏茨防啓閉令  
甲周俾各宅爾復佃爾鴻鈞造物幹旋間頓易金穰于  
水毀閘閘作息詎相忘

帝力如斯費經理成功匪易守亦難敢任已成作憑恃  
不聞古效御事言除却養恬命曷以

恭和

御製六塘河疊舊作韻元韻

駱馬本水櫃勢亦東注海

天章勒翠珉高壓鼎屬在六塘股引出灑沉澹苗殆一方水藏輪三度歲籥收觀成及

四幸遺利慶萬載較禹功斯神永永靡後悔冬乾蓄有時秋漲瀉不待耕作疆理稠蓋藏村戶倍仰惟

宸衷斷翠工奉模楷轉蒙 綸綍音一得仍嘉乃勗哉善後謀感發誰豫怠波流永安恬民情劇樂愷周隄謠誦興轡軒定可採

恭和

御製降旨免宿遷等四縣本年正賦十分之五詩以誌事元韻

皇心愛民何彼此四海同仁唯一視宿遷諸邑瘡痍餘  
久矣溝中一呼起田塍不怕水爲鄰秉穗時看道傍委  
卽今村村布穀鳴春田努力事良耜金根玉軼望三年  
春澤何如靈雨美雲霄展動鳳凰翎衢道迎來

天詔喜趁趨玃玃聳息觀額手齊呼

聖天子減租賑粟叨屢深何幸

渥恩加不已食毛踐土享太平什一勤輸正供耳蠲三  
旣多且至五曠典千秋觀止矣周官底用誇匪頒禹  
貢無煩誌包匭

天心况已默相通嘉禾雙岐樹連理

恭和

鳴春小草

卷五

五



御製清河道中雜詠元韻

如膏春雨勝春晴道麗芳塵 玉輦行二月江南好山

色空濛一帶足詩情

一痕秧水未嫌多鳩陌催人攬襪簑仰識重農

天子意扶犁遮道不誰何

著意東風展嫩晴渚浦汀芷曲環城欲知膏澤添多少  
昨夜桃花新水生

碧樹芊綿泗水濱文梁苑展霽虹申欲經田野憑真畫  
不藉丹青點筆人

恭和

御製渡黃河元韻

長河浩蕩春風日漾鱗淪川后遙陳臬陽侯謹導津不  
煩蒼璧委羣扈翠旂巡德水榮光起  
慈宮福祚臻章程頻指授閱歷盡  
躬親千尺金隄鞏驩呼載版民

恭和

御製觀清口出水誌疊舊作元韻

河功勞

睿算幾載商決壅階仗石帚防疏須箭流送譬如罽駕  
馬馳之在抑縱自從經畫定決口生綠葑四時水歸漕  
五壩屹然重官無急搶修民足具正供居然享盈寧豈  
獨扶疾痛平成仰

宸斷奚致盈廷訟前年畱水誌此日驗其用立標爲酌  
盈束草實補空尺丈應清口意到百發中成效皎已睹  
靜鎮戒毋動卽有桃花漲蛟螭怒安洶澄瀾

皇情怡衽席百萬衆寧茲絕傍徨下竹兔倥傯天駒口  
爲御海蠶遙可控誰云難斗量數已訂錯綜微臣佇河  
清禹德擬作頌

恭和

御製御安福艦元韻

清淮一水接秦郵 天仗春晴降藻舟津樹兩行初解  
纜驛亭千里尙餘籌日勤禹載行彌健風轉軒車力正  
道鏡面淪漪送蘭槩安瀾何用璧雙投

恭和

御製閱淮河石隄再疊前韻

一城扼三瀆支分遠赴海偏處有洪湖吞凌厥勢倍入  
河復入江軌轍遵無改土隄易以石奠安熙

帝載市井出泥犁陸居棄舟楫譬之髮繫鈞民命隄是  
委保護賴綢繆相度時巡每增高而繼長尺寸矩畱楷  
聖意合

天意磐石永無殆旣安不忘危蒿目無時罷堯琴暢神

人神人暢帝堯琴曲  
名義指治水事謳歌聞樂愷利弊

睿照澄燃犀廢雞駭

恭和

御製雜言元韻

天風借吹噓何論速與遲波濤仗忠信安坐忘驅馳急  
行步或窘前者後所師壺中地欲縮竿頭烏若飛從來  
迫促在能事鈍拙亦須才地計龍驤芥子勢力殊突過  
原應出頭避我

皇謙謙稟履臨卽景亦存齊物心毋相傾軋咸視此

王言慎徵綸綽比

恭和

御製車邏壩元韻

蟻垤尙封穴井波猶生瀾况導湖入江門戶祗兩灣吞  
納兼數州無能塞其源眠平官候程神智人勝天封乾

壩上土歲熟壩下田未須圻清口澤國和會宣

皇心圖未事憂常天下先餘波馴南流屬縣抵甘泉邦  
溝通上國聲勢遙相連指投歲幾易成效徵昭然功敘

歌

四巡行健欽乘乾

恭和

御製天寧寺再疊前韻作

夾城睥睨雄東府初地陀羅盛廣陵現在佛參無上乘  
大千界住最高層梵音祝 嘏齊延聽法雨施仁孰與  
能佳麗蕪城邀

睿賞邴知清淨

聖心憑